

Na osnovu člana 15., 109. i 111. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), Skupština Bosansko-podrinjskog kantona Goražde, na 19. redovnoj sjednici, održanoj 27. jula 2021. godine, **d o n o s i:**

## **O D L U K U O DAVANJU OVLAŠTENJA**

### **Član 1.**

Ovlašćuje se stručni saradnik u Stručnoj službi Skupštine Bosansko-podrinjskog kantona Goražde **HARIS KLOVO** da obavlja poslove sekretara Skupštine, na 19. redovnoj sjednici Skupštine Bosansko-podrinjskog kantona Goražde zbog odsustva sekretara.

### **Član 2.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj: 01-04-570/21  
27. jula 2021. godine  
G o r a ž d e

**PREDSJEDAVAJUĆA SKUPŠTINE**

Aida Sirbubalo

Na osnovu Poglavlja IV, Odjeljak A, člana 23. Ustava Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/98, 10/00, 5/03 i 8/04) i člana 109., 111. i 194. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), Skupština Bosansko-podrinjskog kantona Goražde, na 19. redovnoj sjednici, održanoj 27. jula 2021. godine, **d o n o s i:**

**O D L U K U**  
**O POTVRĐIVANJU ODLUKE PREMIJERA BOSANSKO-PODRINJSKOG KANTONA**  
**GORAŽDE O IMENOVANJU MINISTRA ZA OBRAZOVANJE, MLADE, NAUKU,**  
**KULTURU I SPORT U VLADI BOSANSKO-PODRINJSKOG KANTONA GORAŽDE**

**Član 1.**

Skupština Bosansko-podrinjskog kantona Goražde potvrđuje Odluku premijera Bosansko-podrinjskog kantona Goražde o imenovanju ministra za obrazovanje, mlade, nauku, kulturu i sport u Vladi Bosansko-podrinjskog kantona Goražde **BILJANE BEGOVIĆ** broj: 02-04-89/21 od 26.07.2021. godine.

**Član 2.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“ i postaje sastavni dio Odluke o potvrđivanju Vlade Bosansko-podrinjskog kantona Goražde, broj: 01-05-237/19 od 26. aprila 2019. godine, Odluka broj: 01-05-446/19 od 09. jula 2019. godine, Odluka broj: 01-05-421/19 od 25. juna 2020. godine, Odluke broj: 01-04-101/21 od 05. februara 2021. godine, Odluke broj: 01-04-356/21 od 05. maja 2021. godine i Odluke broj: 01-04-511/21 od 07. jula 2021. godine.

Broj: 01-04-571/21  
27. jula 2021. godine  
G o r a ž d e

**PREDSJEDAVAJUĆA SKUPŠTINE**

Aida Sirbubalo

Na osnovu Amandmana XXX stav 3. i XXXI na Ustav Bosansko – podrinjskog kantona Goražde (“Službene novine Bosansko – podrinjskog kantona Goražde”, broj: 8/98, 10/00, 5/03 i 8/04) i na osnovu člana 10. stav 11. i 12. Zakona o Vladi Bosansko – podrinjskog kantona Goražde (“Službene novine Bosansko – podrinjskog kantona Goražde”, broj: 8/15), Premijer Bosansko – podrinjskog kantona Goražde, **d o n o s i:**

## **O D L U K U**

### ***o imenovanju Ministra za obrazovanje, mlade, nauku, kulturu i sport u Vladi Bosansko-podrinjskog kantona Goražde***

#### ***Član 1.***

***Biljana Begović, diplomirani psiholog,*** imenuje se za Ministra za obrazovanje, mlade, nauku, kulturu i sport u Vladi Bosansko-podrinjskog kantona Goražde.

#### ***Član 2.***

Odluka postaje punovažna danom potvrđivanja od strane Skupštine Bosansko-podrinjskog kantona Goražde.

#### ***Član 3.***

Odluku objaviti u “Službenim novinama Bosansko – podrinjskog kantona Goražde”.

Broj: 02 – 04 –89/21  
26.07.2021. godine  
G o r a ž d e

**P R E M I J E R**

**Aida Obuća**

Na osnovu Poglavlja IV, Odjeljak A, člana 23. Ustava Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/98, 10/00, 5/03 i 8/04) i člana 109. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), Skupština Bosansko-podrinjskog kantona Goražde, na 19. redovnoj sjednici, održanoj 27. jula 2021. godine, **donosi:**

**O D L U K U**  
**o organizacijama kulture naroda Bosne i Hercegovine od posebnog značaja**  
**za Bosansko-podrinjski kanton Goražde**

**Član 1.**  
**(Temeljne organizacije kulture naroda Bosne i Hercegovine)**

Ovom Odlukom proglašavaju se temeljne organizacije kulture naroda Bosne i Hercegovine za kulturne organizacije od posebnog značaja za Bosansko-podrinjski kanton Goražde, i to:

- Bošnjačka zajednica kulture "Preporod",
- Hrvatsko kulturno društvo "Napredak",
- Srpsko prosvjetno i kulturno društvo "Prosvjeta",
- Jevrejsko kulturno-prosvjetno i humanitarno društvo "La Benevolencija".

**Član 2.**  
**(Afirmacija izuzetnih kulturnih vrijednosti)**

S ciljem afirmacije izuzetnih kulturnih vrijednosti Bosansko-podrinjski kanton Goražde iskazuje svoju podršku radu temeljnim organizacijama kulture naroda Bosne i Hercegovine iz člana 1. ove Odluke ukoliko su registrovani i djeluju na području Bosansko-podrinjskog kantona Goražde.

**Član 3.**  
**(Planiranje budžetskih sredstava)**

Bosansko-podrinjski kanton Goražde će kulturne organizacije iz člana 1. ove Odluke koje djeluju u Bosansko-podrinjskom kantonu Goražde, sufinansirati iz sredstava Budžeta Bosansko-podrinjskog kantona Goražde u razdjelu 11. Budžeta Bosansko-podrinjskog kantona Goražde, pozicija "Tekući transfer neprofitnim organizacijama – Preporod", "Tekući transfer neprofitnim organizacijama – Napredak", "Tekući transfer neprofitnim organizacijama – Prosvjeta" i "Tekući transfer neprofitnim organizacijama – La Benevolencija".

**Član 4.**  
**(Obaveze kulturnih organizacija)**

Kulturne organizacije člana 1. ove Odluke dužne su Vladi Bosansko-podrinjskog kantona Goražde najkasnije do 30. septembra tekuće godine podnijeti zahtjev za sufinansiranje, odnosno utvrđivanja posebnih namjenskih budžetskih sredstava za narednu godinu, sa sledećom dokumentacijom:

- izvod iz Registra udruženja i fondacije koju vodi Ministarstvo za pravosuđe, upravu i radne odnose Bosansko-podrinjskog kantona Goražde (original ili ovjerene kopije ne starije od šest mjeseci);
- uvjerenje o poreskoj registraciji – identifikacioni broj i broj transakcijskog računa u poslovnoj banci (original ili ovjerene kopije ne starije od šest mjeseci);
- prijedlog godišnjeg plana rada – programa, uključujući plan troškova;
- izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) sa izuzetkom onih koji su registrovani u prethodnoj godini (original ili ovjerene kopije ne starije od šest mjeseci);
- finansijski izvještaj o utrošku sredstava odobrenih u prethodnoj godini;
- uvjerenje o izmirenim poreskim obavezama, a oni koji nemaju neizmirenih obaveza mogu dostaviti ovjerenu izjavu kod nadležnog organa da nemaju neizmirenih obaveza kojom to potvrđuju (original ili ovjerene kopije ne starije od šest mjeseci);
- uvjerenje o izmirenim porezima i doprinosima za zaposlenike (ukoliko ima zaposlenika), a oni koji nemaju uposlenih mogu dostaviti ovjerenu izjavu kod nadležnog organa da nemaju uposlenih kojom to potvrđuju (original ili ovjerene kopije ne starije od šest mjeseci).

#### **Član 5. (Administrativna obrada zahtjeva)**

Administrativnu obradu podnesenih zahtjeva iz člana 3. ove Odluke, sa aspekta pregleda zahtjeva vrši Sekretar Vlade Bosansko-podrinjskog kantona Goražde, te isti upućuje Ministarstvu za finansije Bosansko-podrinjskog kantona Goražde prijedlog za utvrđivanje posebnih namjenskih budžetskih sredstava za narednu budžetsku godinu.

Za realizaciju namjenskih sredstava u Budžetu Bosansko-podrinjskog kantona Goražde, kulturne organizacije iz člana 1. ove Odluke podnose zahtjev Vladi Bosansko-podrinjskog kantona Goražde za realizaciju istih, a na osnovu kojeg se zaključuje odgovarajući ugovor.

#### **Član 6. (Stupanje na snagu)**

Ova Odluka stupa na snagu danom objavljivanja na službenoj oglasnoj ploči Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 01-36-574/21  
27. jula 2021. godine  
G o r a ž d e

**PREDSJEDAVAJUĆA SKUPŠTINE**

Aida Sirbubalo

Na osnovu člana 15., 109. i 111. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), Skupština Bosansko-podrinjskog kantona Goražde, na 12. vanrednoj sjednici, održanoj 27. jula 2021. godine, **donosi**:

## **O D L U K U O DAVANJU OVLAŠTENJA**

### **Član 1.**

Ovlašćuje se stručni saradnik u Stručnoj službi Skupštine Bosansko-podrinjskog kantona Goražde **HARIS KLOVO** da obavlja poslove sekretara Skupštine, na 12. vanrednoj sjednici Skupštine Bosansko-podrinjskog kantona Goražde zbog odsustva sekretara.

### **Član 2.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj: 01-04-594/21  
27. jula 2021. godine  
G o r a ž d e

**PREDSJEDAVAJUĆA SKUPŠTINE**

Aida Sirbubalo

Na osnovu člana 109., 113. i 161. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 3/18 i 6/19), Skupština Bosansko-podrinjskog kantona Goražde, na 12. vanrednoj sjednici, održanoj 27. jula 2021. godine, **d o n o s i:**

## **D E K L A R A C I J U**

Obzirom da je Goražde u periodu odbrambeno-oslobodilačkog rata 1992.-1995. godina proglašeno sigurnom zonom Ujedinjenih nacija u kojoj je poginulo, ubijeno i ranjeno 4402 ljudi, među kojima i stotine djece.

Podsjećamo da je, presudama Međunarodnog krivičnog suda za bivšu Jugoslaviju u Hagu, Mehanizma za međunarodne krivične sudove, Međunarodnog suda pravde i Suda Bosne i Hercegovine, utvrđeno da su na teritoriji Bosne i Hercegovine u periodu 1992.-1995. godine počinjeni genocid, zločini protiv čovječnosti i ratni zločini.

Na brojnim mjestima se danas negiraju genocid i presude međunarodnih i domaćih sudova što vrijeđa žrtve i predstavlja prepreku pomirenju.

Svjesni činjenice da pomirenja ne može biti bez priznanja genocida i zločina, podržavamo Odluku Visokog predstavnika u Bosni i Hercegovini o donošenju dopuna Krivičnog zakona Bosne i Hercegovine kojim se zabranjuje i kažnjava negiranje genocida, zločina protiv čovječnosti i ratnih zločina.

Izražavamo nezadovoljstvo što niko nije osuđen zbog zločina počinjenih nad stanovnicima zaštićene zone Ujedinjenih nacija Goražde u periodu 1992.-1995. godina na koji je u toku agresije na Republiku Bosnu i Hercegovinu i odbrambeno-oslobodilačkog rata palo više od 100.000 projektila i čiji građani su bili okruženi 1336 dana bez hrane, vode i struje, kao i drugih životnih potrepština, stoga pozivamo Tužilaštvo BiH da konačno procesuiše i sankcioniše odgovorne za počinjene ratne zločine u Goraždu.

Broj: 01-02-595/21  
27. jula 2021. godine  
G o r a ž d e

**PREDSJEDAVALAČKA SKUPŠTINA**

Aida Sirbubalo